

Estd. 1983

Reg. No. 386 (MZ)



MARYMA

Ramhlun North YMA Chanchinbu

“YMA thuvawn: YMA chu tanpui ngaite tanpuitu



YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 44

Issue No. 33

Ramhlun North: Ni 15 August, 2026



BRANCH THU

■ August ni 19, 2026 (Nilaini) zan dar 8:30 ah Branch executive committee meeting neih tum a ni a, member ten hun remchang lo insiam nise.



CYMA THU

■ Minister, Tourism Deppt. pisa-ah Tourism Deptt. leh Central YMA thawhdunna tur thuthlung ziah a ni a, Central YMA hmingin Pu R. Lalnggheta President leh Prof. Malsawmliana Gen. Secretary-in hming an sign a, Central YMA OB dang ten an tawiawm.

■ Central YMA Office-ah Adventist Development & Relief Agency (ADRA) hotute an lo leng a, Prof. Malsawmliana Gen. Secretary, Pu S.F. David Ngursangzuala Asst. Secretary, Er. H. Duhkima Treasurer ten an lo dawngsawng.

■ Central YMA Office-ah Pu Hmingsanglura, Chawnpui leh Mizoram Mobile Dealers Association hruaitute an lo leng a, Prof. Malsawmliana Gen. Secretary, Er. H. Duhkima Treasurer, Pu M.S. Ralte Fin. Secretary ten an lo dawngsawng.

■ Central YMA leh MVA tangdun buatsaih LBS Suzuki Avenir 24th Inter Branch YMA Volleyball Tournament, 2026 Final khelha a ni a, hmeichhe Team-ah Bungkaw Branch YMA chuan Dawrpui Vengthar Branch YMA hnehin an champion a. Mipa Team ah Hunthar Branch YMA chuan Khawbel Branch YMA hnehin an champion.

■ Bethlehem Vengthlang Branch YMA bultumin Govt. Bethlehem Vengthlang HS-ah ruihhlo that loh zia inzirtima leh ruihhlo ti lo tura intiamna hun hman a ni a, Pu S.F. David Ngursangzuala Asst. Secretary leh Pu C. Lalmunliana CEC te an kal.

■ **Library duty turte:**

1. Lalrinawma, N-Sec.
2. Vanlalhruii, N-Sec.
3. Lalrinsiami, N-Sec.
4. Lalbiakhlui, K-Sec.
5. Nancy Zonunthari, K-Sec.
6. Lalnunfeli, K-Sec.

INTER BRANCH YMA BAND CONTEST (KAN BRANCH TOP 20 AH KAN IN HLANGKAI)

Ramhlun North, the 15th August, 2026: August 1, 2026 zan khan Central YMA Hall-ah LBS Suzuki 1st Inter Branch YMA Band Contest Top 20 result puanna neih a ni a. Inelna atan hian Branch 50-in hun tiam chhungin Elimination Round atan video an thehlut a, chung zing atang chuan a ti tha zual 20 thlan chhuah an ni a, kan Branch band pawh Top 20 zingah hian kan tel a ni. August ni 18, 19, 20 zanah te Band 20-te hian intihsiakna an nei leh ang a, kan Branch YMA Band-te hi ni 18 (Thawhlehi) zan hian a pathumna-ah an zai ang.

Kan Band-te Dress code/Uniform (T-Shirt) tur Dr. Rohlpuii te chhungkuain an pa Dr. G. Lalthianghlama hriatreng nan an Sponsor a. An ni hian Dr. Thiang Drums pawh B a n d - t e inbuatsaih nan min hmantir bawka ni. Tin, a ni bakah hian Pu



Lalmalsawma (Tea), chuan a drum set min ham tir bawka ni. Top 20 kan thlen lawmpui nan leh Band te inbuatsaih zel nan bialtu MLA, Dr. Vanlalhlana chuan ₹ 5,000/- min pe bawka, an chungah hian Branch Committee leh band member-te chuan lawmthu a sawi tak meuh meuh a ni.

Top 20 atang hian LED Wall (Background Screen), kan Band-te zai laia Background Pic/Video te a tihmuahnawm tura lo Screen-Play tur a ni dawn a, kan Technician-te Sound Engineer te an pawimawh chho dawn hle a ni. Kan Band-te zai, hnung lam atanga lo zaipui (Backing Vocals) tur hian kan veng a zai thiam leh tlawmngai thei tur sawm an ni bawka. Kan Band Member-te hian hmabak inelna sualin hla zir nan Darkar 10 chuang fe hun an hmang leh tawh a. An thawhrimna malsawmin awm leh ngei se kan va ti em! Kan theih ang angin i tawiawm zel ang u.

PPP MODE BAWLHHLAWH PAIH MAN KHAWN A NI DAWN

PPP Mode Sanitation Committee ruahman angin September 2026- August 2027 inkar bawlhhlawh paih man veng chhungah khawn a ni dawn a, hetiang hi khawn dan tur a ni:

1. Chhungkaw nawlpui - ₹ 800/-
2. Khawsak ziaawm - ₹ 1,200/-
3. Dawr tē, thlai leh thei zuar, hawkers - ₹ 1,000/-
4. School, Hostel, Office, Biak In, Dawr lian, Motor Workshop - ₹ 3,000/-

A nawlpui chawi tur ₹ 800 chawite hian thla khatah ₹ 66.6 bawlhhlawh paihna atan kan seng dawn a, ni khatah ₹ 2.1 in bawlhhlawh kan paih dawn tihna a ni. Khawsak ziaawm chawi tur ₹ 1,200 chawi te hian thla khatah ₹ 100 bawlhhlawh paihna atan kan seng dawn a, ni khatah ₹ 3.28 in bawlhhlawh kan paih dawn tihna a ni.

Veng dang atanga Ramhlun North huam chhunga Dawrrawn nei zawng zawngte pawhin bawlhhlawh paih man hi thawh vek tur a ni a, kawng sira thlai leh thei zuar, hawkers-te pawhin bawlhhlawh paih man hi thawh vek tur a ni a, bawlhhlawh paih motor-ah chauh bawlhhlawh paih tur a nih avang leh bawlhhlawh nei lo chhungkua kan awm loh avangin bawlhhlawh paih man hi awl theih a ni lo a ni. Thlathar (September) thla chhung hian bawlhhlawh paih man hi khawn a ni dawn a, chhungtinte lo inruahman lawk tur leh thahnemngai taka lo thawh theuh turin PPP Mode Sanitation Committee chuan min ngen a ni.

MARYMA	PHEK 2-NA	RN YMA CHANCHINBU
 ZIAK LOH DAN LEH KHAWTLANG NUN <i>Mizo nih ti nuamtu leh hnam dang laka kan danglamna chu mimal zalenna leh dikna aia khawtlang kan dah hmasak thinna hi a ni. Tunlai hunah phei chuan mimal zalenna leh dikna kan hmachhuan nasa a. Mahni chauh inngaihtuahna hian mihring te inlaichina a nghawng a, midang ngaihsakna thinlung a tlakhniam phah fo thin. Mizo nihna erawh kan pi leh pute atanga an tawnhriat leh zirtirna kan in hlan chhawn zel a ni a, hei hian ziak loh dan; tlawmngaihna leh khawtlang tana thahnemngaihna kawngah kan khawtlang nun a ti nuam a, cheng ho nih hlutna min hriattir a ni.</i> <i>Khawtlang tana thahnemngaihna hian chhungkua leh veng chhung min phuar khawm a, mi pakhat harsatna chu mimal harsatna chauh a ni lova, khawtlang harsatna atan kan pawm a, kan pen chhuak ruih ruih thin a nih hi. Sawrkar dan leh lehkha a ziak te hian sual leh fel a thliar theiin, rorelna fiah tak min pe thei a ni mahna; mah se nun zangkhai, inchoawmdawl na, leh muanawmna tak tak erawh he ziak loh dan kan vawn nun tlat thinna hian a siam zawk a ni. Dan ziak lawk engmawh awm silo a chhiatni thatni leh hnattlang a awm chana khawtlang pui tura kan inpeih at mai thin hian khawtlang chhunga tanpui ngai ber te thlengin thlamuanna tak tak a pe thin.</i> <i>He kan ziak loh dan ropui tak hi Mizo nun min phuarkhawmtu ropui tak a ni a. Mimal duhdan leh zalenna ringawt kan hmachhuan a, ‘min nghawng lo a ka tih tur a ni lo’ kan tih tlat chuan khawtlang inkaihhraina leh min phuarkhawmtu, tlawmngaihna thinlung hi a tlu sawp thuai dawn a ni. Mimal zalenna leh mihring dikna te hi a pawimawh em em a, kan zah tur a ni ngei mai, mah se Mizo khawtlang nun a ropui ber leh zonun zia tifamkimtu ber chu mimal zalenna humhalh chung reng a thahnemngai taka khawtlang thatna tur a kan thawh hi a ni. He kan hnam nun ropui tak hi vawnhim a vawn nun zel a pawimawh hle.</i>	 PI PUTE THLAWHHMA LAK DAN - II Chapchar lai hian Thlam chák tur an lo chhuah lawk thin a, chung an chák lakte chu lo halin a kan theih lohna turah an dah tha thin. An lo halin ram a kan chhiat zauh lohnan hnattlangin, kawngpui ang mai hian mei danna tur an lo sial fai ruah a, chu chu "mei lam sial" an ti a. Lo hal hun chu Lal leh upate rel tur a ni a. An nin khawchhin hre deuh te rawn in an rêl thin. Khaw tinah lo hal duh hma pawl awm a ni thin a, chung mite chuan lo hal hi an rawt chhen thin a, "Khawchhin leh nau chin a hriat loh" tih hi ?awngkam berah an nei thin. Lo hal ni chuan Pasaltha leh Sa kap thei deuh te'n kangmei hlau ransa tlanchhia silai leh fei hmangte'n an lo chang thin. Lo hal tuk chiah chu "Kan ral ni an ti a. Awmni an kham thin. Lo hal zan chuan khawtlangah titi dang a leng meuh lo thin a ni. Kan ral ni tuk atâng chuan hmeichhia in thlai chi an thlak a, mipate'n thlam a rel zui a, an lo a kan that loh phei chuan mang khawh tur a lo tam a. "Hnabu a têt" an ti a. Vahchap kang bang kha lakhawmin a rem laiah hal that leh turin a chhep thin a, chu chu "Cha Chheh" an ti. Tin, thlawh lai a thing leh mau kang bang bung nawi awm hi "Kang Mang" an ti bawk. Buh tuh hma in thlam an sa a, thlai chi pawh an thlak fel vek thin. Let leh lawk ila, an lovah an han hal hian rampui kang a ni thin bawk a, a kang vâp var dak hluk mai thin a, chuvang chuan "Kangvar" an ti thin a ni. Tunlai ah chuan kan ram te a lo bua ta a, vahchap a pan a, kang nasa tham a awm tak loh avângin kangvar e ti lovin, a kang dum zul mai thin a nih hi. Thlam hi a lăwilen nuam lai tak ah an sa a, Mizoram ah chuan Chhim chhawng lam hi ni a kan thin avângin, an thlam sak pawh chhim chhawng zawng a lawi turin an sa tlangpui thin. A chhan chu, nakinah buh a lo thar tika buh sawisakna lai thlam leika leh hruizawlin ni a hmuh hma a, a hmuh rei zawk theih nana an tih vâng a ni. Tin, thlam hi tlung neia sak a ni tlangpui a, tlung nei lo "sethlam" a sak pawh a awm bawk. Chutiang chu "Bekte" an ti thung. Thlam bang hmai leh char bang chu dap tung zawngin phelsepin an kalh a, bang chhak chu phelsep zawk tungin dap kha a zalah an hmang zawk thin. Thlang lam bang chu a chanve chin chunglam chauh bang chhak pin ang a pingin, a chanve hnuai lam	chu rel hran neiin pawn lam a nam thlûk theih, duh hun a kaih din leh mai theihin an siam a, thlam tluangrel tilawrin, ban hran la-in a tluangrel hran a phuar leh a, chu an tluangrel phuarah chuan bang duh huna nam thlûka, duh hun kaih din theiha an siam kha, an han nam thlu a, tluangrelah chuan a inphah ta diai thin, thlam chhuat a ni nghal a, duh hunah an han kai ding a, thlam bang a lo ni leh nghal mai thin. Hei hi "thlam nam thlak" an ti. Tin, thlam hma lam leh hnung lamah khan thlam tluangrel kha tilawrin phelsep an kalh phui a, leika an siam a, hei hi "Thlam tlai tlan" an ti. Tunlaiah mi tam tak Thlam nam thlak leh Thlam tlai tlan hriat pawl kan awm chawh. Tin, tlai tlan ban hi mihring chen velin a ti lawr a, (chung lamah) chutah chuan mau an kham, tahrang in an ping a chuta zam tur chuan thlai zam chi an ching thin. Hei hi "Chhawr - vel" an vuah. Tin, kan sawi hmai hauh loh tur chu Thlam velah hian pangpar lam chi Zamzo chi hrang hrang Zohniar, Zoarchhuang etc, Chuailo, Nuaithang, Derhken te an ching thin. A bikin Zamzo ngat hi chu thlam velah hian ngei ngeiin an ching thin. A chhan chu Ramhuai laka inhumhimna ni a an ngaih avangin khel lovin an ching thin. He thil hi han sawi thui deuh lawk ila. Hmanlai hian chhungkaw pakhat hi Buhsengin ram an riak a, zan a lo nih chuan an ral ah chuan kuk raih raih ri hi an hria a, ram riak ve dang emaw tiin an han chhawn a, nakin ah chuan an thlam chu a rawn hnaih zel a, an thlama rawn lén tumah ngaiin an lawm khawp mai nghe nghe a. Mahse, an rin loh leh beisei loh lutukin an thlam kawngkaah chuan ramhuai lianpui mai a rawn dák lut ta hu mai si, an hlau lutuk chu thlam kilah chuan an inhnawh khawm ta ringawt mai a. Mahse chu ramhuai chu lo lutin a rawn vai hma ta nghauh nghauh mai a. An sa te chu a ei zo ta vek mai a. Chutih lai chuan, a lo luh laia thlam nam thlak a thu, an tlangval, thlam kil pan ve hman ta lo kha chu a hlau lutuk kha thlam nam thlakah chuan a let thla tawp a, thlam bula Zamzo buk phênah chuan a biru ta ngawt mai a ni. Chutia a chhungte sa a ei zawh chuan, chu ramhuai chuan, 'ka va la kham lo em, khawnge pakhat chu hetah hian a tlak kha,' tiin a han zawng a. Mahse, Zamzo par chuan a mit a êm let a hmu thei ta reng reng lo mai a, chu tlangval chu a him phah ta a ni an ti. Chuta tâng chuan, pi pute khan lo an neih reng rengin thlam bulah Zamzo hi an ching ta ziah a ni an ti.
Editor: Vanengmawia (7085878827); Jt. Editors: A. Lalfakzuala, Lalrotluangi Zote, , Henry VL Nghilhlova Zote Manager: Lalremsanga Hnamte (8974845644); Asst. Managers: Zodingliana, Lalrinchhana, Lalrinawma News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte Circulation Managers: PB Lalhupazauva, Samuel Lalhlupuia, Hmingthanzuala, Vanlalrinkima, R. Zodinsanga, Isak Lalrinawma, Lalrinchhana, K. Lalmuanpuia		



ZIN & HAW

- Pu Lalrochama, Vice President chu hna thilah New Delhi-ah a zin.
- Pu Lalthlengliana, BECM hna thil a Delhi zin chu dam takin a lo haw leh ta.
- Pu Robert Lalremruata, V-Sec. te chhungkua chu inentir turin New Delhi-ah an kal.
- Pu F. Laldinsanga te chhungkua, K-Sec. chhiattawhna avanga Vanbawng lama kal chu an lo haw leh ta.
- Tv Maddox Lalremruata s/o R.Lalawmpuia (Fam), V-Sec. chu a hnathawhna tur Madurai, Tamil Nadu lam panin a kal.
- Pu Vanlalfaka, Corporator Ward III, N-Sec. chu Delhi-ah inentir turin a kal. A nupui Pi H. Lalfakmawii leh a fanu NI. Lalrempuii Varte ten an kalpui.
- Pu C. Lalthanzama, S-Sec. chu thil pawimawh buaipuiin Khuangleng ah a zin.
- NI. Rebecca Malsawmtluangi d/o K. Lalchawimawia, K-Sec. chu a zirna hmun Kolkata atangin chawlh hmangin a lo haw.
- Pu Lalthakima Colney, K-Sec. chu a hna thawhna hmun Darlawn lamah a kal leh ta.
- Pu Ngomunga te chhungkua, T-Sec. chu chhiattawhna thilah Khuangleng ah an zin.
- Pu Robert Lalfamkima te pafa V-Sec. chu thil pawimawh buaipuiin Delhi ah an zin.
- NI. Vanlalnghahi Hmar d/o Lalbiaktluanga, V-Sec. chhungkaw thil pawimawh buaipui a Guwahati-a zin chu a lo haw leh ta.
- Pi Lalmalsawmi Hmar d/o H. Lalhlunthanga, N-Sec. chu chawlh hmangin US atangin a lo haw.



LAWMAWM

- Tv. Lawmsangzuala s/o KK Thanga, V-Sec. chu Mizoram State Rural Livelihood Mission hnuaiah Marketing Assistant hna a hmu thar.
- Pu Vanlalfela leh Pi P.C Lalsangkimi, C-Sec. te nupa chuan ni 13.08.2026 khan Synod Hospital, Durtlang ah fanu an nei.
- Pu Vanlalhlua leh Pi Vanlalmalsawmzuali te nupa, N-Sec. chuan ni 11.08.2026 khan Civil Hospital, Aizawl ah fanu an nei.

DCA COMPUTER COURSE
ADMISSION OPEN
 December 2026 Exam (5-3)

Free Benefits
 ✓ Free Admission
 ✓ Free Textbook

E-STAR.COM
 GOVT. APPROVED
 COMPUTER
 INSTITUTION
 RAMHLUN NORTH

Limited Seats Available

E-STAR.COM
 Near Nazareth Hospital
 Ph: 8731875084/7005421131

E-STAR.COM
 HENGTE HI KAN SIAM
 THEI BAWK

GOLDEN CARD, MUHCS CARD
 SIAM, PANCARD, AADHAR CARD
 DOWNLOAD, TRIBAL,
 RESIDENTIAL, INCOME
 CERTIFICATE, INHMUN HMING
 THLAK, ONLINE A RAM TEH TUR
 BOOK, UDHYAM REGISTRATION,
 PASSPORT PHOTO, XEROX,
 PRINTING, LAMINATION,
 EMPLOYMENT REGISTER,
 LEARNER LICENCE, etc.,...

LEI PIAH LAMAH



Kalvaritlanghmingthangi, K-86 m/o Paul Zonunpara (Fam), C-Sec. chu 08.08.2026 dar 08:40 AM khan a boral a, hemi ni vek chawhnu dar 02:00 ah Ramhlun North Thlanmual, Zemabawk ah vuiliam a ni.

R. Lalremruata, K-54 h/o Lalbiakdiki Tochhawng, S-Sec. chu 12.08.2026 dar 12:10 PM khan a boral a, a ruang hi lumen niin a tuk ni 13.08.2026 chhun dar 12:00 ah Ramhlun North Thlanmual, Zemabawk ah vuiliam a ni.

Lusun khawhar chhungte thlamuanti Pathianin vengin awmpui zel che u rawh se.



DAMLO

- Tv. Lalmalsawma Ngente, C-Sec. c/m Ebenezer Hospital-a a hnar zai chu in lama inenkawl chhunzawm turin a lo chhuak leh ta.
- Ruthi Hmingthansiami d/o Lalmawizuala Khiangte, K-Sec. chu influenza avangin in lamah enkawl mek a ni.
- Pu K. Vanlalhruaia, C-Sec. chu hritlang khawsik avangin in lamah enkawl mek a ni.
- Shiloh Thanpuii Pachuau d/o David Lalhlimpua, T-Sec. chu Pneumonia avangin LRM Hospital-ah enkawl mek a ni.
- Pi Esther Lalnunpuii w/o Lalhruaizela, T-Sec. chu hritlang khawsik vingin in lamah enkawl mek a ni.
- Theophil Lawmnakima leh Jochebed Lalruatfeli s/o James Ngurliana, N-Sec. te chu influenza avangin ZMC&H ah enkawl mek an ni.
- Johny Liansawmzuala s/o Mary Laltlanmawii, S-Sec. LRM Hospital-a awm chu in lamah inenkawl chhunzawm turin a lo chhuak.
- Pu Joel Lalramhluna, N-Sec. Nazareth Hospital-a awm chu dam takin a lo chhuak leh ta.
- Pi Lalnunthari w/o C. Lalrochunga, K-Sec. LRM Hospital-a awm chu a lo chhuak leh ta.
- Pi Nuzawni w/o Rokhawmliana, K-Sec. chu a hrawk lam chianloh avangin Care Hospital-ah zai a ni.
- Pu James Laithansanga, K-Sec. ZMC&H a a hmai zai chu in lama inenkawl chhunzawm turin a lo chhuak.
- Lanry Malsawmpeka s/o Lalchhanhima, K-Sec. chu hritlang khawsik avangin in lamah enkawl mek a ni.



LOCAL COUNCIL

■ **BAWLHHLAWH PAIH HNA DIL THEIH:** PPP Mode Sanitation Committee hnuaiah bawlhhlawh paih hna LMV (Pickup) leh MMV(407&Tripper) tan dilna hun hawn a ni a, diltu chuan Hming, Veng, Ramhlun North a awm tan awmna Section chiang taka ziakin Pu H. Rodingliana, PPP Mode Sanitation Committee Secretary hnenah Ni 22.08.2026 thleng dilna hi thehluh theih a ni a, motor document Smart Card xerox copy thil tel bawk tur a ni.



PAWL DANG

■ **Ramhlun North Football Club:** 2026-2028 OB ruat thar te:
 President - Pu K. Romawia
 Sr.V.President - Pu Benjamin Lalduhawma, Dr F.Laltanpuia
 V.President - Pu Malsawmthara, Pu Rothangpuia, Dr. Joy Lalmuanpuia, Pu Thantlinga
 Hon. Secretary - Pu Zodingliana Zote
 Asst.Secy - Pu Jonathan C. Lalrintluanga, Pu A. Lalfakzuala, Pu Zothanmawia Khiangte
 Treasurer - Pu John L. Ralte
 Fin. Secy - Pu H. Zothansanga

Pu Vanlalfaka Corporator Ward III chuan Ramhlun North Football Club te season thar inbuatsaihna atan thilpek a pek avangin lawmthu an sawi.

■ **Ramhlun North Cricket Academy:** Cricket Association of Mizoram chuan qualified train coach Ramhlun North Cricket Academy atan min pe dawn hnai a, hemi pual hian admission hawn leh mek ani. Seat a limit thin avangin a hmasa apiang duhsak an ni ang. "John L Ralte" 8415852272 "K. Vanlalrova" 9862300713

■ **Basic Mual Mawng Welfare:** A thawh hnih nan August ni 8, 2026 (Inrinni) khan Basic Mual Mawng Welfare te chuan an huamchhung thenfai hnatlang an nei leh a, kawng kam hnim to leh bawlhhlawhte thianfaiin an hnatlang.

JOHAN'S COMPUTER INSTITUTE (JCI)

(GOVT. APPROVED INSTITUTION)
 Near LH Thanga Enterprise, Industry Peng, Ramhlun 'N'
 Contact No. 7005608874

COMPUTER CLASS (Jul-Dec Session) (3-3)

FREE ADMISSION OPEN

COURSES: 1. DCA 1st & 2nd Sem 2. Editing (Photo/Video)
 3. Application mal pawhin a zir theih e.
Timing: 6:30am-8:00am | 9:30 am-5:30pm | 7:00-9:00pm
 (Weekdays a kal hman lo tan pawh Inrinni a zir turin kan ruahman sak thei e)

COMMON SERVICE CENTRE (CSC)
 kaltiangin hengte hi kan ti thei bawk

PAN CARD | Learner's Licence | MUHCS Card/Golden Card | GST Registration
 | Indian Passport | UDYAM Registration | Revenue (eRAM) | Motor Insurance |
 Ticket Booking (Train / Flight) | Income/Residential/Tribal Certificate | Xerox |
 Printing (Photo/Document) | Laminate | Binding | Online Form Fill up, etc.

MARYMA

PHEK 4-NA

RN YMA CHANCHINBU

ARTICLE

HAWNG LÂNG MAW LÂNG LO ANG MÂW

- MSA Khawlhring, K-Sec.

Nikhat chu Chhûrbûra leh Nâhaia hian anmahni lo vah vatè an vêng a.Nâa lo vah chuan vatê an tam hle a niang; a lo mawng thingtuluangah chuan an fu ̣thup mai a.A buh tlânin an thlâwk suau suau mai bawk a. Chutih lai chuan thingtuluang chu chheh khang kâng mangin (lo hâlnaa thing bung kâng bâng la dum nuau hi) a zu dêng dawt mai a leh. Vate awzàwnng ni lovin Phûngpuinu chuan "Hawng lêng maw hawng lêng maw, naua lû lû khuai lai chi" a rawn ti thûm dût ta mai, Nâa hlau lutuk chu a rang a rangin a tlân hâu ta vang vang a. In a thlen chuan...

Phakarity: Hlahuh vânga tlan háw a ni tih Chhûra chu a hrilh duh miah lo nia. Chhûra chu lo invên thleng túrin a sâwm ta zâwk a.Chhûra pekin a lo hnial lo nasâ; an invên thleng dawn tâ. Nâa chuan Chhûra hnenah, "Chhûra, ka lo mawnga thingtuluangah khân vatê an tam mai a, chheh khang kâng mangin han dêng (vawm) la, a mak a mak a tam an lo thlâwk chhuak hum hum mai ang," a ti vêl ta a. Chhûra pawh chuan a remtî a, an invên thleng tâ.

Eng ngê thleng tâ le? Chhûra chuan Nâa lo mawnga thingtuluang chu a zu dêng ta ngêi a, âw chuan a hmâa mi ang bawkin, " Hawng lang maw hawng lêng maw, naua lu lu khuai lai chi" a rawn ti thûm leh ta dût mai. Hlahuh ahnêkin Chhûra chuan, "i duh leh hawng lêng lâ, sepuì tiat tiatin hawng lêng rawh," a ti ta mai. A thlâm hnuaiah Chhûra chuan pipû a suih a, a uai chu Phûngpuinu chuan lo en thlâin a awm loh hlânah a lo uai ve duai duai a, "Chhûra awm ta lo vê," a ti vêl a, chutah Chhûra chuan thlâm chhuat âwng ạtang chuan a lo châng chu niin, a chhîpsamah a ̣thâm a, a man ta. "Ti hian ka hâwn ang che 'nga, naupang hovin arêkpachal an barh hawng hawng mai ang che," a ti tá. A hlau lutuk chu, a roh êm êm "sekibuhchhuak" chuan a intlanchhuak ta hial mai a ni. A fâte lah chu Chhûra chuan Phungpuinu awm loh hlânin a lo rêp ro vek a, a rawn hmuh chuan ̣ap chungin, "Tumbu hûk hûk, ka nau an rêp e," tiin a ̣ap ta chiam mai a, amahin khawhar takin a vâk ta ruk ruk mai a ni.

Tûnlai thil awmzia hi: Kan ram pawh hi he thawnthû laimû (philosophy ka ti mai a) nên hian a inang riaua hriatna ka nei nia. Kan lo (kan ram) hi kan vênghim a maw kan tih lai hian Mizo inti sîin ̣thenkhat chuan dâwih âw an lo chhuah a. Huai tak kha dâwih tak an lo ni, kum tam liam tâah khân. Awi!! Thlang kawrvâi sum an duh luatah "kan hlau" ti duh sî lo hian mîte kuta rûl kaw zen an tum a ni mai em? Phungpuinuinû'n (central sawrkârin sum a rawn pe ta si) a ro ̣tha ber "sekibuhchhuak" hmanga a intlanchhuah leh meuh chuan Nâhaia chuan a ît leh si a, neihsak leh theih dân mawlh a ngaihtuah leh sî ang deuhah ka lo chan a.

Mutthlûte thawh harh a hun tawh takzet: Kum tam liam tâah khân sum chauh duh, mahni ram hralh pawh pawî ti lote khân kan ram hi an hmangaih kan ti thei em le? Kan ram hi an pâwngsual ngê, a pâwnng atakin an sual zâwk le?

Thangtharte hian an la rawn dem ngêi ang, chutiang mî chu. Lang lo tûra thuhrûk engmah a awm sî lo. A lo lang zêl dâwn, hei lo pawh. Lo en reng rawh, MIZO HNAM inti vê sî nên chuan a inpersan daih. Kan hmâa mihuai kal tâte (politician ̣thenkhat pamhamte) kha kan ram tân an lo huai tâwk lo em ni tih hi kan zawhna a ni.

OUR LITTLE SHOP

(5-2)

School Uniform chi hrang hrang wholesale leh retail-in kan pe thei e. White shirt (kamis var) puan ̣tha leh uniform socks (mawza) kan kawî bawk e.

Our Little Shop, Ruata Zote In, Ramhlun North, Biakin Mual

Ph: 9862810920/8413934118

ADVERTISEMENT

KC TUI

Tui thianghlim leh fim ̣tha em em, Pick up in litre 2000; tlawm takin kan pe thei e.

Ph: 9774 223 462 / 7005 010 327

(10-9)

RAMHLUN NORTH SEPTIC TANK KHAT TAN

Septic Tank Paihfai leh Repairing engkim kan ti theih e. Comode “Block, Pipe Fit,Ek in khur leh,Soak pit tha lo,a thar pawh kan siam theih reng e”

(20-7)

RATE: INBIAKREMNA Mb-9863524969 / 9383178166

ALLCLEAN SEPTIC TANK SERVICE

Septic Tank paihfai, a khurpui repairing leh a thar siam, pipe fitting, commode block, soakpit a hlui repair leh a thar siam, etc. engpawh kan thawk thei vek e. Eng hunah pawh koh theih kan ni e, en man a awm lo e.

(10-6)

Rate: Inbiakremna Contact: 6009002567

MD SEPTIC TANK SERVICE

Septic Tank paih fai leh commode block, soak pit hlui leh a thar kan siam thei a, pipe fitting engkim kan thawk thei e.

Rate: Inbiakremna Ph: 8258950077

(10-4)

VANLALFELA SEPTIC TANK

Septic tank paih fai, commode block, pipe, soak pit ̣tha lo leh a thar pawh kan siam thei reng e. Kan sulhnu a felfai a, service hlun leh rin tlak kan ni e. Hmanrua engkim kan intodelh bakah kan rate a tlawm e.

Contact: 9436199884

(10-4)

KHIANGTE SEPTIC TANK SERVICE

Septic Tank khat paihfai, khur chhung lutin, Comode Block, Soak pit thar siam, Pipe Repair engkim a neitu te lungawi na thlap in kan thawk thei e.

(20-4)

Contact - 9862344971 Bawngkawn South

SP TUI

Tui hna thianghlim, ei leh in tlak, litre 2000 pickup trip kan pe thei e.

Mobile: 9615789047

(15-11)

Skinnovations Unisex Hair Salon leh Spa

Dr Hruaitea chuan Unisex Hair Salon leh Spa Ramhlun North D-3 Jk Khenglawta building hnuaiah kan rawn in hawng thar a,vengchhung mipui te min lo pan ve ̣theuh turin kan sawm a che u.

Ph: 9612800800

(2-2)

Doctor leh Nurse ten Dam lo te Anmahni in ngeiah kan pan thei ta

Novel Clinic

Service in Heart

(2-2)

Clinic@Home

Enkawî theihthe

1) Suturing stitch removal

2) Dressing

3) Injection

4) Venflon fixing

5) BP Checking

6) Temperature check

7) Blood sugar check (Random)

8) Folley's/Silicon Catheter insertion

9) Folley's/Silicon Catheter removal

10) NG Tube insertion

11) NG Tube removal

12) Minor Clinical Cases

13) Mamawh & Remchang dangte

TIMING

7PM-10PM

Harsa taka Hospital

pan kher ngai lova inenkawîna

Mahni in lumah thlamuang taka mithiamte enkawîna

Mahni mamawh dan mila inenkawîna

Hun bi nei & Book Lawk ngai anih avangin Emergency Service a tel lo

NOVEL Clinic

Ramhlun Venglai, Aizawl

(Prov. Reg. No : A-0745/26)

For Booking Dial

6009505183

Published & edited by Vanengmawia for and on behalf of Ramhlun North Branch YMA. Copies- 1,270